




山陽詩鈔

二

13
1000
2





18  
1000  
卷 2

山陽詩鈔卷之三

賴襄子成著

西遊稿上

後藤機校

余居憂三歲，戊寅歸展，既祥，頗覺廓然，遂遊鎮西，以吟歌排遣餘憂，衝吻溢囊，而行篋所齎，除手鈔杜韓蘇古詩三卷外，詩韻含英一部，是以粗率倍常矣。今肱橐第錄，不甚刪潤，要存當時興會，以供它日憶念而已。山陽外史賴襄識。

下江

撼枕江聲又櫓聲，疎篷漏雪睡難成。阿孃屈指俟吾

大房  
寄贈



可題爲津口竹枝

久何識今宵初發程

發大坂小竹確齋送至尼碕

商船銜尾各停撓中有瓜皮趁早潮離緒紛紛難語  
盡轉頭已過十餘橋

過岡山宿梅坡家

歸心雖急未期程雨則淹留晴則行剪燭不辭談徹  
曉春星無數繞檐明

題八幡太郎獻弓鎮夢魔圖

百戰癡瘡未醉功龍鍾白首爲誰雄此身不及黑蛇  
影得近五雲香暖中

小竹云子成詠史題  
畫七絕可謂獨步

○到鄉從杏坪翁遊其山園翁管郡務多治績  
連鋤強梗稱神明四郡何邊不底平卻是家園無暇  
理賤蓬惡竹滿階生

○發蕪

故紙埋頭頭欲斑裹糧一日出鄉關要收燈底看書  
眼太閱平生未見山

○周防道上

藝薇沿海路紆回常看豫峯雲外堆看到周防青始  
了豐山代送黛光來

臺道宿上田翁家爲題谷文晁畫芝海圖



東遊回首廿年餘，鴻爪春泥跡有無。何料周芳千里外，忽看芝海曉晴圖。

○厚狹市

驛亭煙火太蕭騷，山勢西奔如亂濤。玄海赤關知不遠，行逢商擔賣車螯。

赤關雜詩

長街如帶蘸波光，面面青山護萬牆。莫怪潮頭駛於箭，厓門一出是玄洋。

文字關頭澹夕暉，彌陀寺畔雨霏霏。水濱欲問前朝事，唯有輕鷗背我飛。

五山中唐口吻

幾點漁燈亂月光，桅竿無影夜茫茫。依稀認得泊船處，煙外有人呼賣漿。

壇浦行

畿甸之山如龍尾，蜿蜒曳海千餘里。直到長門伏復起，隔海豐山呼欲鷹。帆檣林立北岬市，吾自平安來。行循山勢與之偕，驚看海門潮勢如奔雷。屈曲與山相擊排，南望豫山青一髮。海水漸狹如囊括，想見九郎驅敵來。平氏如魚源氏獺，岬蹙水淺誰得脫。海鹿吹波鼓聲死，穉龍出沒狂瀾紫。敗鱗蔽海春風腥，蒼溟變作桃花水。獨有介蟲喚姓平，沙際至今尚橫行。

小竹云起手宛然大蘇異刑  
香坪云摸貌老杜氣實亦勁

懷素畫



天民云結末展過一步語意至

鑿鑿貂蟬兩一夢唯見海山蒼蒼連神京山日落海如墨何物遮船夜啾唧吾語冤魂且休哭汝不聞鬼武之鬼亦不免餒身後豚犬交相食鬼武源右大將小字

遇大含師師將東遊上岳賦此為贈

小竹云是時子成未甚飲酒故有此詩以山海為根幹而酒詩茶火雪生出種種花葉幻莫測

吾泛火海君富山相逢握手赤馬關雖無酒腸海不測自有詩格山難攀共把醒眼評山海采真歸來重盡歡取吾火海火融君富山雪煎君雲華喫七椀四腋生風凌列缺與君下視大八洲海如蹄泔山如堙

赤關醉歌

筑山淡豐山濃煙紫雲翠一重重吾行應須那裡去

飽攬雲煙盪吾胸赤關半月伴雁鷺一水如帶卻不渡問吾底事戀此閒豐筑無酒似赤關

戲作赤關竹枝八首

可憐兒女說先皇幾隊紅妝幾瓣香簪笏滿前人不見金釵猶作鷺鷥行每歲三月諸倡詣阿彌陀寺稱先帝會託蹕蛟宮歲幾過水邊猶見舊宮娥至今許著輕羅襪應記朝天凌綠波倡著戰佗處所無云

曼曼春帆破海煙意中人到定今年明眸一樣凝秋水姊望丹船妹越船

六連鳴望五洲波紫石山通玄海霞誤愛兒郎好身

天民云八首情景來寫見昇平樂樂風

小竹云百鍊之鋼時能指所以為大家



手捕鱸平戶不歸家

輕舸急檣剪波堆想到華城日未頽欲將別淚隨潮

去白石洋頭即卻回東西海潮至備中白石交退

年年攝酒附商舟磊落萬罌堆岸頭清醪尤推鶴字

號駕人醉夢上揚州

○ 綠酒紅燈醉眼迷萬檣影裡月高低醒來忽覺身為

○ 客隔水青山是鎮西

○ 藏橙戶戶候東風和得豚羹味不窮纖指擘開黃玉

顆愛他香霧啜春蔥

發赤關雷別廣江父子

此 蘇云先生飲酒始干

小行三風味似古體

潮聲交急艣日色動高梳一葦乘晴日三行覆別杯  
山陽背指極鎮右迎顏開唯有故人意依依過海來

入豐前

回首猶曾寓維舟忽別州人煙過海少樹色傍山稠  
故國雖知遠今吾便欲愁醉來還自笑大地本浮漚

箱碕

廟顏敵國降伏四大字條  
延喜宸翰

廟門岌業面長瀾仰視雕題照碧灣長倚神威伏戎  
狄新羅高麗指揮閒

醉歸過崇福寺前

旗店扶歸不用燈松閒沙路太分明榮公舊隱知何



處認得夜魚呼粥聲

龜井元鳳招飲賦贈

藝城分手夢空尋  
雞黍今朝喜盍簪  
四海文章纔屈指  
一杯醞醪且論心  
高林擁屋鶴巢穩  
積水當窻鵬影沈  
風樹知君同我感  
酒閒有淚暗沾襟

卽事似東道松永子登

幾椀新茶陶客情  
昨來中酒廢杯觥  
蘆簾日薄搖無影  
瓦鼎風微沸有聲  
暑路養病衣尚熟  
羈窻作字手常生  
閑評畫軸消長晝  
更欲呼童取短檠

○重五似從行後藤世張

小竹云肖似知常而無其氣可愛

概不時寓于空家其庭實種花亦甚香

插檐蒲葉午風香  
白蛋青梅薦客觴  
與汝同斟赤關酒  
霸家臺下作端陽

憶家

客蹤乘興輒盤桓  
筐裡春衣酒暈斑  
遙憶香閨燈下夢  
先吾飛過振鱗山

同元鳳登高望海中道

松林橫截大洋潮  
萬壘波閒碧一條  
此景何緣在西僻  
直須奴僕命天橋

過元鳳題其女少琴墨竹

纖指尖邊龍影橫  
胸中有竹一揮成  
匠心何似爺文

子以四十情事未醒



苦萬葉千枝逐次生

五月十四日飲于上村太壽宅

把杯竹底意陶然正是晴窻竹醉天竹已醒時人卻  
醉竹風呼起醉人眠

題自畫山水

收拾雲煙寄戲嬉峰巒滿幅墨淋漓休嫌點染欠妍  
麗免被人呼做畫師

謁管右府祠廟有作

都府樓唯看瓦色觀音寺獨聽鐘聲相公此句燥髮  
誦今日始向此際行想見傑構堆畫薨華鯨雄吼法

東海云賦管公如此  
篇不易得也  
五山云遠微官公肺  
勝公在天之靈亦應  
首肯

王城宰帥虛名實閑廢思罪卻掃掩柴荆儒生衰  
真罕事久矣銓衡論門地洞知沈痼須良藥銳意蟠  
根試利器酬知何暇恤人言奮搏自折凌雲翅為鬼  
為域奚足尤群雞一鶴空相忌國瘁天數豈與公肇  
鑑已矣又彤弓世態幾回浮雲變獨有威德傳無窮  
寢廟棟宇彌岐嶷祀典于今群兆億顧視府樓空斷  
礎寺餘數椽亦傾仄行人田間拾缺瓦猶存相公看  
時色三善清行勸公乞退公不納遂及於禍字多  
擢公以抑相家之權相家所不欲非唯同列者  
也忌

望寶滿山城址



誰嬰宋壁挫荆兵不怪晉軍徐出旌非餌孤城漁九國老猴何得掣長鯨高橋紹運守此城當薩兵以族太閤來

見溫仙岳

黃檣成列隴塍閒南望平平是海灣未至榮城三五驛忽從林際得溫山

至佐嘉諸儒見要會飲有鯨肉之供席上用所

得韻戲作長句

巨鬣掀潮噴雪花萬夫攢矛海門譁肥海捕鯨耳曾熟何料鮮肉到齒牙片片肪玉截芳脆金鑿玉膾曷能加他日所食非真味鹽藏况經運路退君不見先

起于無王

疾戈鋌殪豕蛇此物戢鬣上鏤又多士方遭偃武日取侑文酒愛柔嘉羨君筆力能掣渠碧海涯恨吾酒量不如渠吸百川波

溫仙歌

溫仙溫且秀高郎高且雄溫仙室為高郎婦玉立對峙門望同一水盈盈情脈脈知他岳神交飛越仙麓別起兩峰凹尖然莫是凌波襪

龜背嶺聞鶯

夏木陰陰擁兩坡黃鸝喚客發嬌歌喜他缺舌啁嘲裏獨有渠伊語不訛

拈起小姑彭郎詞人校猶疑  
五山云余昔年遊東奧路上作云高低路向亂山東身落荒草  
響語中只有不言挑  
李在吹簫盡日馬蹄  
風至今東人以其美  
之恨余不止子成亦  
獲作此語恐逢西人  
之怒一弄口噴酸  
係之吾曾不可不戒



○自大村舟抵長與距長碕十里  
海水如盆瑠璃碧。邑屋參差岸樹隙。欲說琶湖與膳  
城。舟中少人知上國。吾行已歷萬重山。稅駕瓊浦在  
今夕。擔頭猶貯攝州酒。倒樽此際不復惜。繫纜沙尾  
喚漁舟。買得棘鬣長兩尺。

到長碕

一分是海二分山。夾海山為碧玦彎。蠻館官樓家萬  
戶。高低山色海光間。

儋居五首 即武景文舊寓

小閣臨江口。斜陽消檻首。誰言欠靚淡。吾喜弛擔負。

○鄰市買鮮魚。淺斟謀老婦。來碕已十日。無此一杯酒。  
○寓居視顏字。故人親深翰。何圖鴻爪跡。復寄鶉枝安。  
○舊識存老姥。曾憑有小欄。吟魂呼不起。月波夜漫漫。  
○纔得琴書庇。卻喪僮僕貞。旋置短脚鼎。親炊長腰杭。  
○一餐輒十起。往往失飪烹。口腹為人累。回思愧平生。  
○北指喞蘭船。南觀甌越船。樓窻屢數尺。臥闕萬國天。  
○互市居貨物。倉庫觀駢闐。一竿出樹杪。時見彩旗翩。  
○水窻夕多風。又納月色朗。客攜酒與魚。風月共抵掌。  
○一醉忽曹騰。不知客已往。斜影猶在窻。臥聽柔櫓響。  
○穎川氏邀我寓其別莊莊臨圓山



山莊暫寄讀書檠下視青樓連畫甍庭樹缺邊燈點  
點夜深猶有按歌聲

借得山莊便作家  
脰筐散帙小生涯  
午眠乍覺蟬聲  
輟照眼凌霄一架花

○荷蘭船行

碕港西南天水交  
忽見空際點秋毫  
望樓號砲一怒  
嗥二十五堡弓脫弦  
街聲如沸四喧嘈  
說是西洋來  
紅毛飛舸往  
迺聞鼓鑿兩揚信旗防濫叨  
船入港來  
如巨鼇水淺船大動  
欲膠官舟連珠纍  
幾艘牽之而  
進聲警警蠻船出水百尺高  
海風浙浙貼  
蜀旄三帆

五山云客中一適  
情趣可掬

詩人遊研少及學漢  
聞見此等作差強人  
意險韻每句押何等  
詩勝

五山云一履不躡台  
在游燕自是下成長  
枝

天氏云事事寫盡  
乃自在未以議論結  
之大公案

樹桅施萬條設機伸縮如桔槔  
漆黑蠻奴捷於猿升  
梳理條手爬搔下破滿船齊  
噉咷疊發巨礮聲勢豪  
蠻情難測廟謀勞兵營猶不徹  
豹韜嗚呼小醜何煩  
憂目蒿萬里逐利在貪饕  
可憐一葉凌鯨濤譬如浮  
蟻慕羶腓母乃割雞費牛刀  
母乃瓊瑤換木桃

佛郎王歌

佛郎王王起何處大西洋  
太白鍾精眼碧光天付韜  
畧鑄其腸蠶食歐邏東拓疆  
誓以崑崙為中央國內  
游手收編行兵無妻子武  
越越縮槎為銃伸為槍銃  
退鎗進互撞塘所向無前  
血玄黃獨有鄂羅相頡頏

機云有識之言誰處  
及此

香坪云海外事專在  
位須知不可無紀

曹海云奇事奇筆







○ 戟萬炬如星夜不眠

○ 洋船豆大點琉璃未一炊閒到大磯館外拋錨賀安

○ 穩舳艫迭放佛郎機

○ 金鬢芳柔壓海腴百杯泉釀瀉真珠客誇拇戰成高

○ 手昨夜三贏吳下奴

○ 香坪云昌黎華山  
女雲窗寫圖景  
金屏後臂猶為公憾  
之親信語不作為可

○ 扇洲樓下盪漿遲碧檻紅燈閃玉卮試倚船窻呼姊

○ 妹認佗夜宴侍胡兒

○ 朝朝舉案與眉齊一狎吳兒是艷妻看取心情冰雪

○ 潔鐵漿不冝涿瓠犀

○ 捧茗添香頤指中雙雙眼語意何窮洞房不用煩傳

○ 天氏云以下數言  
摹風景如見

○ 譯自有靈犀一點通

○

○ 盈盈積水隔音塵穿眼來帆阿那邊自慰吾儂勝織

○ 女一年兩度逐郎船

○ 髻側釵橫夢一場尤雲殢雨任他狂眠醒蜀帳春如

○ 海銀鼎燒餘真臘香

○ 一港秋烟熨曉波風吹旗腳影婆娑越船時喚吳船

○ 語似問今朝既爨麼

○ 長碕雜詩

○ 蒙街浮水碧莎館靠峯青山約人烟密市籠潮氣腥

○ 兒童諳漢語舟楫雜吳舸誰信囂塵境孤吟倒酒餅

○ 五湖之書七八恐欠

○ 豆山云余昔作漢川  
竹枝其內二首于成

○ 規其涉御製使  
余刪去今存此

○ 警側一首不能無申  
公夏姬之恨亦為之



見姑蘇人楊兆元酒閒賦贈

萍水相逢且舉杯醉魂恍訝到蘇臺看君眉宇秀如  
許猶帶虎邱山翠來

劉溥卿因官事來碕同舟泛遊

山東蒼波萬瓦愁蘭漿載酒酒如油紅搖波影京倡  
袖碧閃雲光蠻館樓何料異鄉逢舊侶不妨官跡伴  
閑遊颯涼更擬攜餘興亂月紗燈滿閣秋

中秋

風動微雲暑未收一尊待月且登樓瓦光明滅海山  
影旗色依稀吳越舟長缺短衣成久客蠻烟蠻雨又

天民云愁不如欄字

直散實事而秀雅如

此與蘇園諸公應酬

辭法敏虛設者真偽

適其

三山云後繼使石湖  
是直便

楊子成字又字獨字  
是先生苦心處

子成亦喜言兒女態  
願極王敦擅溫

中秋天涯醒醉同今夜誰念飄零獨此州

中秋後一日楊西亭館舉觀月會聞西亭新娶  
旅館良宵且宴娛紅燈綠酒小姑蘇對門秋柳籠烟  
月憶到雲鬟香霧無

戲代校書袖笑憶江辛夷

余聞江名久矣江今夏當來阻風不至水媚  
川為呼江所押校書侍酒託致殷勤酒閒戲  
代敘其憶乃  
敘吾憶也

舉袖嫣然掩袖啼玉釵敲斷酒醒時相思何與封姨  
事阻卻郎船故故遲

席上墨戲題



醉墨輸他烟黛青和毫伸紙倩娉婷知卿曾捧江郎  
研得似渠儂泥裡釘

香坪云時為綺語所  
以受疑則不作為可

碕人以狹斜為命見余詩時為綺語認以為真  
往往勾誘余輒示此詩為解

唐孟梅北人尚為言  
樊川綠葉未能忘懷

誰疑山谷墮泥犂懶學樊川張水嬉唯使心腸如鏡  
石不妨筆墨賦冰肌

未能茗椀換觥船何復纖腰伴醉眠家有縞衣待吾  
返孤衾如水已三年

余薄遊寫憂晝間詩酒陶滌夜輒夢先人感而  
有作

香坪云傳信二字不  
致余為改作訓戒

九國山川遊未回三年苴杖尚餘哀誰言旅館無倚  
侶夜夜音容入夢來



山陽詩鈔卷之三

終

平直外尚籍京能言林

山陽詩鈔卷之四

賴襄子成著

後藤機校

西遊稿下

發長碕赴肥後

瓊港山圍萬戶烟纔過嶺背海茫然直西空闊雲黏  
水於越句吳若個邊

舟過千皺洋遇大風浪殆覆得上崎原宿漁戶  
賦此志懲

賴子發碕港八月日念六便道赴東肥臨岸買舳舻  
說是千皺洋波紋如細縠解纜未半時雲行稍捷速

記姓及月日在此詩  
更好



小竹云辛苦之狀曲盡無餘聞當夜即作伴燈檢韻情況可想

杏坪云更事微密之言未獨事奇語舊結句亦見西陲實事繳得力  
北條子讓以此詩為西遊第一

指點溫岳巔黑氣如蓋笠須臾海水立盲風撼坤軸  
舵工強談笑護短諱敗衄風力愈狂騎鯨鼉交怒蹴  
濤勢吳越來萬里一沓蹙舟為之掀翻繫泊欲向孰  
舟人腕欲脫搖櫓達鳴隩叩門懇吏胥儻丁負囊麓  
崎嶇踰磯礁蒙茸過樸檉漫白見崩沙滾黑瞰絕谷  
照昏有炬火救饑無饘粥勉旃度羊腸猶勝葬魚腹  
遠火認宿所弛擔漁人屋燂湯洗脚跟下餈燒脂鱸  
驚定方成笑痛覺卻欲哭遠道胡為來非官非販鬻  
汗漫自取苦反顧真悚慙作詩抽囊筆鯨燈伴單獨  
泊天草洋

五山云子讓眼高余亦曾取置詩話中實為絕唱  
天民云末一句蓋得之於意匠之外

機云屢恐陽若僕誤九節度崇文劉雍並為佳典

雲耶山耶吳耶越水天髻髯青一髮萬里泊舟天草  
洋烟橫蓬窻日漸沒瞥見大魚波間跳太白當船明  
似月

詠懷古跡短歌

一岳突出壓大洋全國提封皆其腰中有危礁最斗  
絕弄兵誰會據池潢彈丸煩舉九節度兩歲飛輓糜  
餽糧回看一旅取天下巧拙如注異金瓦折戟沈沙  
二百年距堙猶認屯人馬最憐孤墓圍松楸父老于  
今說故侯崇文未捷遣劉雍惜禽虎臣貽狗偷

高崇文討賊戒曰汝如不捷當遣劉雍崇文奮戰勝歸



舟中所見

溫山遙面阿蘇山，山脈逶迤碧玉環。滙得海波開一鏡，相臨自照兩烟鬟。

○熊府辛嶋教授招飲先人之友也，賦此奉呈，并贈在座諸儒。

避風火海舍舟行，蘇岳相迎先眼明。銀杏插天知故國，丹樓拔地見層城。雪泥聊託冥鴻跡，萍水新同振鷺盟。苴杖三年成往事，忽逢父執淚縱橫。

○謁加藤公廟二首

提封當日闢榛蕪，形勝居然虎負嵎。熊府城樓營百

肥後文學之藪而知此偉跡未著賦咏印使遠人先著輒

杏坪云三詩不相下詞力動人

又云二聯實事排字最工

天氏云不寫實景通體切于成深於史學於是乎可見也

小竹云未必勝作她美是如何

五山云與藪子厚正觀公碑文同安關家事不得不贊

雉雞林毛羽捕雙雛，鐵戈冒雪纔存指。銅面衝風故惜鬚，眇視跛興人競禱。靈威卻不庇遺孤，起身威屬是嫖姚。早向邊城遠舉鑣，結髮軍皆知。李廣禁啼兒尚畏，張遼有巢寧料鳩。因鵲生子誰言狗，續貂空使遺民嚴。伏臘蘇山雲霧恨難消。

○南遊過菊池村

菊池村老兩三家，籬落秋風見暮鴉。世守芳根全鮑節，翠楠未必勝黃花。

○自松橋上舟作促句詩

松橋驛畔儼舟乘，星斗滿天夜氣凝。寒臥舟腹如凍



山陰言金卷四  
蠅天明繫纜天草鳴鳴民半以魚代稻炊飯買魚魚  
味好南望海波閃紅暎礁影起伏如浮龜說是薩州  
黑浪門

○踰網樹嶺

阿蘇山脈盡南奔右折羊腸抗海門回望雲嵐如疊  
浪那邊應是五家村

過肥薩界

一澗平分南北州亂沙淡草兩邊秋曾無所屬唯溪  
水幾股潺湲隨意流

○入薩界遇雨

有記文

秋雨來不已秋風吹倒人程長苦日短前路問頻頻  
已踰肥嶺坂還緣薩海濱冥色生墟落道上少蹄輪  
笠糾舞離首簔袂濕透身拔脚泥淖裡又遭石齒斷  
暗行至關下關吏肆呵嗔乞宿野人屋雙膝屈不伸  
破竈無烟氣松肪照積塵僵臥不可寐起坐獨吟呻  
離國幾亭驛舉目有誰馴桑弧從素願不必說苦辛  
耿耿每縈念北堂有老親屈指待我返愆期已廿旬  
汗漫竟何事我鬢亦欲銀寧能可中止勢與騎虎均  
路難吾已分何爲自逡巡勉起裏吾足鳴鴉已報晨

○○阿嶮嶺

机云關吏童以詞壇  
老將軍爲故將軍乎

天氏云句句著實却  
有無限感愴

小竹云境苦而氣健  
志德之作視之似少  
遜



五山云胸字餘大故  
能作此語

危礁亂立大濤閒  
決皆西南不見山  
鶻影低迷帆影  
沒天連水處是臺灣

逢重陽三首

蟬聲夾路亂松長  
偏愛征衫生翹涼  
野店迎人勸鬢  
酒報吾今日是重陽

短髮萱堂道路賒  
空房蓬首更天涯  
西風寄與兩般  
淚回首望鄉還望家

吾生三十九重陽  
幾處黃花泛酒觴  
商畧登高誰第  
一薩山盡處望南洋

宿仙代河

樓云誰作執如何

獨語淺情旅中時有  
此况清秋宛然

翹宿逆旅卸擔簠  
滿室歌呼酒如澗  
言是重陽正會  
客不顧孤旅守寒燈  
吾自有酒遠提挈  
獨酌微吟酬  
佳節瓊津友贖是瓊漿  
汝酒似否此芳烈  
缺月窺檐  
影婆娑今夜瓊津定如何

薩州重陽

客路重陽日家鄉萬壘山  
春歸方北筑秋老又南蠻  
濁浪玄門渡炎沙白水關  
故園霜候早籬菊已應斑

石曼子行

石曼子樹下兒安辨孰雄孰  
是雌蠶食九州如風雨  
何事此處忽降旗巨川滔滔挽海口  
回看壘嶺衝北

香垞云骨格似杜



小竹云城下四句多  
少議論問作者始解

後年復不如前年

小竹云善發見日  
注故有此評中結自  
可編

斗如此山河奔不守，全國舉納豎子手。城下難豕真  
淡怨，海外鷹犬何獨奮。連枝之際偏樹恩，啣報何暇  
懷恚忿。混一有機驅除先，寺名太平豈偶然。君不見  
西南由來淵藪苑，人傳個裡匿老佛。石曼子樹下兒  
皆出明通記明  
建文帝後呼老佛，其詩有牢落西南四十州句。

狹裔行

家杏坪曰：薩摩狹裔也。吾妻偉裔也。古訓而填今字耳。今覺其信然，故作此。

肥山如怒浪，薩山如倒瀾。翠碧坡陀壘堤防，道在山  
上不知山。山脈南窮地勢窄，左右顧視海波環。弱冠  
曾踰橫河水，八州之野何豐偉。寧知二十餘年後，雙  
腳來上蜻蜓尾。

途上

寒蟬唧唧雜鳴蛙，村驛秋風馬影斜。節過重陽菊未  
發，卻看瓜架著黃花。

所見

薩南村女可憐生，竹策芒鞋趁曉晴。果下載薪皆牝  
馬，一人能領數駝行。

鹿洲逆旅歌

蛟蜃氣蒸萬家煙，對岸岳影壓城闌。京貨蠻琛列肆  
鬻，賈舶中雜琉球船。吾來津樓卸行李，九月葛衣暑  
未已。豚肉竹筍旅飯腥，寄身側肩累跡裡。舉止便儼

子成能言風土使人  
究見其境從前詩家  
所不必用意

小竹云余嘗經滬子  
鄉共亦往往駭踴  
如此結句所云

側有四字作換撥  
變字如何



五山云遂旅僊及之  
態說猶太真

既道不可說即說愈  
見不平無聊之態可  
想然亦知苦中有樂

小竹云長時謔首首  
皆婉麗摩詞首  
首首壯其風俗  
自備  
五山云似讀外國竹  
枝詞

認攝高語言嬌軟知京妓  
踉蹌自憐一書生食時爭  
席出爭履萬里誰迫為此  
行逆境未可說不平閑啓  
行篋抽書讀堆薪撐檐尺五明

薩摩詞八首

鄉兵團結百餘區帶箭人  
交荷鋤夫茅舍槿籬差整  
肅家家多種淡婆姑  
路遇朝鮮俘獲孫密陶為活  
別成村可憐埴得扶桑  
土造出當年高麗盆  
相逢南客市鄺閒言語牙  
牙雜漢蠻御墨京毫諸價  
直自稱兩度入燕山

櫻山突立海灣間一碧瑤瑤  
擎髻髮鹿子城中家幾  
萬無窻不納紫屏顏

海門山外矯輕鷗鷗背長天  
一色秋憶得劉郎舊詩  
句烟波淡處是琉球

結禹錫全句

一枕仙遊萬斛珠賺他玉子  
伴華胥中山應有龍陽  
泣唯愛扶桑五色魚

南客醒顏北客紅幾杯琉酒  
太醇醲更驚下物尤難  
獲十月盤殮見禳龍

螺青闕畫兩脩蛾六拍齊謳  
白水歌誰謂銀簪學時  
樣兒家要壓鬢髮

薩有泉謠六調子  
者三四用謠詞

詩思如水無科不



畫今時之詩  
小竹云一時戲作極  
風俗變態有歸世道  
不唯辭之奇古

天民云筆乃矯健詞  
氣跌宕前後二詩如  
寒暑之殊候變化自  
在非深於古樂府者  
不能到

香坪云亦老杜遺響

前兵兒謠

衣至胛袖至腕腰閒秋水鐵可斷人觸斬人馬觸斬  
馬十八結交健兒社北客能來何以酬彈丸硝藥是  
膳羞客猶不屬餐好以寶刀加渠頭好好貨也

後兵兒謠

蕉衫如雪不愛塵長袖緩帶學都人怪來健兒語言  
好一操南音官長嗔蜂黃落蝶粉褪倡優巧鐵劍鈍  
以馬換妾髀生肉眉斧解剖壯士腹

雜詩二首

國故多高木天秋未隕霜嶽烟連市黑海氣抱城黃

五山云似讀秦州雜

香坪云飛火則春日  
遊下當作遊麟

猪肉盤有脆蛇皮絃索張取醺蠻酒勁不識是他鄉  
地壓蜻蜓尾城憑鮫鱷頭浮雲橫呂宋惡浪撼流虬  
寒草常春芎賈船或越舟羈孤猶有喜十月未披裘

途中寄懷茶山翁

征帆已歷飛燐國旅食還同流鬼蠻解道七言風土  
記憑誰呼致老茶山

鮫嶋伊知地二子邀飲余於港上酒樓伊曾識  
余於江戶者

櫻洲山色水烟涵日落津樓酒半酣廿歲江門舊醉  
侶相逢一笑薩城南



題小杜停車圖

林楓映發鬢邊絲，憶起紅潮暈玉肌。綠葉曾題惆悵句，秋霜又有勝花時。

○觀田百谷摹古畫引

邈矣巨勢傳顧陸，佐家世守文獻足。狩氏近學明北宗，末流散散厭衆目。圓老慧眼爛電光，一掃陳腐出機軸。渲染直師造化工，畫苑終獲中原鹿。踵起對壘唯吳翁，數筆傳神更敏速。法門一開便空疎，爭擷殘膏與賸馥。豈無輕妙鏡浮花，不見沈著石沒鏃。媚今易得萬犬應，學古寧到千兔禿。入室操戈自有人，後

小竹云才鋒無前

余嘗敬作一詩贈百谷，余覽此余所欲言皆先言盡况筆力縱橫非余湯灑比曾後既出魯衛則退而可

碧海云說言畫之裝可謂入骨

小竹云奇對東坡石段之流亞

余嘗敬作一詩贈百谷，余覽此余所欲言皆先言盡况筆力縱橫非余湯灑比曾後既出魯衛則退而可

勁今見田百谷，一齊不勝衆楚咻。曰舍家雞貴野鷲，慨然擔簦再圖南。南薩人家多藏畜，苦向蠹餘求師資。詎能牛後甘奴僕，吾亦觀畫夙好同。搜尋奇蹟極幽隩，萍蹤相值甌洲城。旅館炷燈連榻宿，君技已過餘子肩。何難安坐饜梁肉，遠道胡爲而來哉。可知虛心盈其腹，心摸手追吸精華。譬之買玉而還櫝，平生五斗愧折腰。不辭鞠躬借畫幅，志篤學勤終有成。拔戟成隊非君孰，畱歌別君吾何心。寄聲好事倒筐簾。○發薩畱別百谷



日與君分手薩摩州

○書事

穀港覺城半日程為貪利涉買舟乘打包負笈人多  
少中有琉球行脚僧

○鎮西八郎歌

兩日爭天天無光吾射一日墮扶桑誰掣吾肘不得  
發黑風壓城劍折鉞堂堂源家第八郎射可凌羿猿  
臂長桀狗吠堯豈得已猶勝伯也學豺狼琉球彈丸  
不足當吾大羽箭聊且弋取救死亾蠻酋納女雷將  
種羅熊入夢啼嗶嗶膂力類父好身手誅賊有國真

傳也卷論也一首  
中俱備

天民云經書海濱處  
當於筆墨外見之

小竹云起處變不驚  
人

天王賴生南遊薩山陽偶與蠻客同夜航為語太廟  
祀始祖春諦秋嘗簇冠裳憶公一官唾不顧絕海雲  
浪自龍驤縱使公助乃姪起何異十郎自郎當雞口

香坪云十郎止郎當  
八郎則恐為所魚肉

牛後公所擇一鎬破得南天荒卻有姪孫開封疆隔  
海魯衛竝永昌一宗慶澤何洋溢非緣源泉分天潢  
唯恨封冊由殊俗使公有知瞋眼張作歌屬客客已  
睡女牛低地海茫茫

小竹云末段四轉轉  
轉皆出人意表  
五山云結句脫胎老  
杜極妙

義朝殺父  
乃姪指賴朝  
祖  
八郎指在琉球娶婦生子曰舜天封之  
新院不用伯也學豺狼指源

大隅道上



兩山南北峙遙青各有兒孫遠膝橫銳首豐頤酷相  
肖海門是第霧洲兄

鴻雁南飛吾北還遊蹤如夢決旬閒依依獨有櫻洲  
影露面雲端送出關

○過龜嶺臨眺諸岳蓋肥薩日隅分界處也

一嶺蟠四國瞰視萬山低雄拔者五六指點自不迷  
櫻岳在吾後依依未分攜阿蘇在吾面迎笑如相後  
溫山與霧嶠俯仰東又西何圖九國秀攢簇擁馬蹄  
肥隅兩灣海渟泓碧玻璃列仙森玉立鑑貌整冠笄  
譬之人軀幹腰尻與腹臍此嶺是脊背表裡道程齊

可補赤水與圖欲問  
前人記若詩有如此  
無

小竹云一十六韻無  
一不響而結愈揚矣

小竹云括盡東肥

吾今上其頂右擊又左提靈祕無遜隱何異照水犀  
厚福享可愧寧無詩句題恨吾無傑語空吐氣如霓  
天風吹衣袂我馬亦長嘶欲笑一衡嶽當時狂昌黎  
再入肥後

改轅思北上畱橐又東肥山沸硫黃氣水生苔紫衣  
既冬蛇未蟄多稼鶴羣飛旅館多灰酒誰能不憶歸

○重謁加藤肥州廟引

腥風吹裂蜻蜓羽誰能五指爲綴補金烏跳入老婆  
腹聯翩雄傑皆肺腑中有阿虎猛於虎食牛氣鬱萬  
竅獠軍中喧傳鐵槍名何知將材任旗鼓雞林軍鋒

香坪云滿腹史未盡  
纏吐露此其本色

五山云詩史



天民云望遠作若  
有神助

與管廟結案同意此  
更的切  
小竹云一韻到底每  
轉複韻此韻如爲此  
詩設者

如風雨可恨同事是賈豎段凝結党排彥章畫地自  
訴幸霽怒後來蔚山更勤苦城壘未成敵蟻聚捍禦  
幾旬軍無糧食馬馬盡乃啣土大雪壓城城欲俯凍  
鎧黏膏靴且剖將軍一呼勞諸軍士如挾纊起曠弩  
蘇武歸國哭孝武六尺遺孤誰相輔唯覩白鬚存頰  
頤誰知赤心滿腹肚猶幸泉路見舊主不論堂構愧  
乃父猛似夜叉怖兒童慈如菩薩感俘虜祠廟翼翼  
倚郊塢吾曾兩度拜廊廡祠樹缺處見熊城想見君  
親督百堵

○發熊基

小竹云二絕亦珠哇

大道平平砥不如熊城東去總青蕪老杉夾路無他  
樹缺處時時見阿蘇

○入豐後

行盡東肥長短亭故鄉猶隔萬山青馬關鶴港由何  
路獨剔寒燈看地經

○過二重嶺

青山歷歷多識面匝歲二肥遊已倦欲別如今卻關  
情植節嶺頭意戀戀葦北海開鏡半函憶曾南遊兩  
挂帆

○過坂黎嶺望阿蘇山

機云此等詩無人評  
及何也



此山久聞未見數語可變其形

輒背走作向東走猶在作在背如何

杏坪云是亦九州山

路繞阿蘇腰不見阿蘇首今朝雨霽雲又開日照三  
 峰靚皴皴一峯尊嚴是丈人一峰肩隨在其右別有  
 一峰似鋸牙竦立其左爭雄秀粲然要我為快觀唯  
 恨一笑輒背走歧路高低頻回看鬢髻出沒猶在後  
 ○九重嶺  
 山脈東北來隱然如巨防豐肥其左右連山劃封疆  
 蘇岳尤隆起散漫餘勢長地高無草木彌望唯黃茅  
 居民食蜀黍行客避封狼名曰九重嶺風力四時狂  
 吾來秋冬際北風輪欲颺譬如上龍脊冷然凌大荒  
 久客連山右如在天一方今日踰而左中原覺可望

下瞰濛濛際如見一髮蒼風狂還可喜猶來自故鄉

下瞰濛濛際如見一髮蒼風狂還可喜猶來自故鄉  
 ○岡城訪田能村君彝余邂逅君彝於鞞津已五  
 年矣

芒鞋半破鬢飄蕭迂路尋君不厭遙海港方舟成昨  
 夢林窻剪燭又今宵園多閑地無租圃屋倚荒山有  
 祿樵霜菓雨蔬畱我醉行藏總付濁醪澆

途上望諸山三首

坡陀穿筱蕩滿耳颼颼響空際料無風阿蘇烟直上  
 湯嵩何劣前幾日行其側憶昨在周州望之如黛色  
 彥山真秀彥馬耳迎人面唯為路高低雙尖隱還見

○ ○ 何 傳 雲 作 客 路 有 高 傳 雲 時 隱 見 如 何



隈邑人多索余墨戲者

布鞵青鞋道路難，纔能弛擔便心閑。  
曉窻洗得筐中硯，又寫昨來經處山。

訪廣瀨廉卿

咿唔聲處認柴關，村塾新開松竹閒。  
斗折蛇行臨筑水，竹批馬耳見豐山。  
羨君白首此閒住，愧我青鞋何日閑。  
且喜一尊共醒醉，細論詩律手頻刪。

○○下筑後河過菊池正觀公戰處感而有作

文政之元十一月，吾下筑水儼舟筏。  
水流如箭萬雷吼，過之使人豎毛髮。  
居民何記正平際，行客長思已

机云開字後作中如何  
手頻作互相何如

秋玉山筆夕當時罕  
匹而此等好題目遺  
而不及何哉此詩寫  
出苦戰不屈狀何等  
壯快李北地石將軍  
歌頌霸於明代此恐

不甘爲屬國

天民云感慨淋漓氣  
韻雄絕真子成木也

小竹云代銜技作驚  
騰飛如何代字恐不  
穩

五山云便是正觀公  
傳已作此佳傳子斜  
米不足惜  
碧海云豪傑生氣正  
觀公不死  
插入鹿苑醜事無直  
敘之病

亥歲當時國賊擅鴟張，七道望風助豺狼。  
勤王諸將前後沒，西陲僅存臣武光。  
遺詔哀痛猶在耳，擁護龍種同生死。  
大舉來犯彼何人，誓剪滅之報天子。  
河亂軍聲代銜技，刀戟相摩八千師。  
馬傷胄破氣益奮，斬敵取胄奪馬騎。  
被箭如蝟目皆裂，六萬賊軍終挫折。  
歸來河水笑洗刀，血迸奔湍噴紅雪。  
四世全節誰儔侶，九國逡巡征西府。  
隸萼未肯向北風，殉國劍傳自乃父。  
嘗卻明使壯本朝，豈與恭獻同日語。  
丈夫要貴知順逆，少貳大友何狗鼠。  
河流滔滔去不還，遙望肥嶺嚮南雲。  
千載姦竟骨亦朽，獨有苦節傳芳芬。  
聊弔



小竹云讀之不感憤  
必不忠不孝之人

鬼雄歌長句猶覺河聲激餘怒菊池武光世領肥後父武時死元弘之王

事兄武重嗣及於武光以傳子武政奉征西將軍懷良親王數與足利氏党大友小貳二氏戰正平十四年己亥歲大戰筑後河側克之明氏來書至征西府武光以其書辭無禮卻不受又招足利義滿義滿受之及沒明諡之曰恭獻

別館萬里

連牀不睡對殘檠惜別溪村一夜情何歲重來尋舊約與君同聽此灘聲

此遊得明盛茂燁山水及端溪古研賦此志喜為畫狂痴為研顛探奇西海已周年歸囊有物誇妻子一片雲腴半幅烟

不啻彭淵材

竹田云第一第五  
首最佳

李虛云天邊一幅  
公望可觀而不可卷

机云僕環襟讀此應  
當一砂一砾

入豐前過耶馬溪遂訪雲華師共再遊焉遇雨有記又得八絕句

峯容面面趁看殊耶馬溪山天下無安得彩毫如董

巨生縑一丈作橫圖

純石為峰勢欲飛峰頭更戴幾屢屨西州索畫無多

獲獲此天然黃大癡

群仙顧盼各多姿石作肌膚樹作衣平昔評山如品

色唯憐清瘦不憐肥

簇出奇巖勢接連插天碧笋茁春煙一峰別起形相

類山脈知如竹迸鞭



一瞥孱顏未飽情，今遊眉目始分明。賞心不負平生履，耶馬溪頭兩度行。

山屐何辭泥路新，天將變套待遊人。群峰得雨如龍鬪，隱躍雲閒見爪鱗。

寫山不厭雨傾盆，植杖探囊筆屢援。卻倩同行扶掣紙，笠檐餘滴暈生痕。

萬巖影碎碧潺湲，慣看行人渾等閑。從古喧傳羅漢寺，何知刺水與殘山。

### 發古城

踰海周年遊已闌，身如飛鳥倦知還。寒潮落日豐州

路始看周防數點山。

○有懷世張世張從余至碕聞母病辭去

瓊津分手未涼秋，孤旅無端已襲裘。薩館風燈豐路

雪每逢詩境輒回頭。

### 至內裡驛

踏盡肥豐萬疊山路窮，左右海波彎眼明。先作歸鄉想，粉壁烟牆是赤關。

### 題廣江氏梅月樓

重寓如歸忘客情，全家迎笑面非生。三杯暮醉如條例，一被朝眠亦課程。食豈無魚荷汝意，天猶有雨滯

機云是時僕方寸亂  
矣不得已辭歸母在  
牀瘦如腊見僕到欣  
然既而先生此詩至  
孺與翁見之亦大喜  
而病亦漸愈蓋陳椒  
之賜也

杏坪云二聯括出無  
痕實為好句



吾行具舟門外寧多日連夜何妨執短檠

得家書

獨展家書別燈檠縷縷如聞絮語聲要識各天相憶處半秋細報月陰晴

赤馬關守歲詞

南船北船盡歌呼繫纜買魚餞歲徂客樓雪霰壓燈火吾亦撥爐傾白墮半生飄泊趁風檣一醉何處非家鄉自有縞綦關心緒守歲舊寓輟機杼靈犀一點海山遙酒醒燈凍聞雁語

赤關迎歲二首

子威詩豪氣橫絕一世而風懷之作柔麗如此猶坡上將軍喜則佛怒則夜叉也

添纜作活酒似可机云添字之作繫似亦益營翁見之故有此評也

潮搖嫩日海生烟臥聽街聲動曉天誰識半生行路老赤閒關下又迎年

一劍飄飄四十年頭顱懶復問青天竭來消受看山福探遍西州萬壑烟

再寓赤關二首

倦客歸心急似弦何知北渡又畱連市依側岸無餘地山護澄灣有別天游跡回看豐嶺雪家書新附攝津船寄聲京友姑相待聯騎猶能及禁烟

赤關風景舊相知寓橐高樓重有期對岸山遙知鳥倦緣洲家缺見檣危拔錨渚外晨邪許迎妓烟中颺

非其上泰然非它人可及

小竹云後語苦心能言新難言



嗚啣京醞可賒魚價賤天涯休怪客歸遲

○發赤關別廣江父子作歌

雪消檣竿閃嫩紅短檣空乘料峭風沙際回看君佇立影沒屋渚轉曲中騎歲淹留情難割離岸後期真遼闊相呼猶欲叙心緒無奈檣聲亂人語

舟中逢立春二首

○風吹曉雨長寒潮帆外豐山雪未消船尾晨聞舟子語始知春立是今朝

○擬與飛鴻爭後先北歸萬里趁春烟行帆背指豐山雪歷歷游蹤已隔年

如是等文亦能作

○上田閨秀索題其女畫蘭走筆書此  
香祖春風葉葉斜清丰秀態自成家綠窻可識栽培厚一箭旁抽紫玉芽

○畫鯉

周海餘寒冰雪封徒看生絹寫渠儂歸程屈指春淡日澱水桃花見噉嚼

回望鎮西諸山有懷諸子

雁欲落帆皆飛豐山筑山總斜暉吾行日覺近鄉國卻顧豐筑思依依那中幾個新知友吾今望汝汝知否

不粘故事自超脫

亦甚奇



舟入廣鳴

薄雲釀雨波影黑家山在眼卻模糊舟子背立搖雙  
櫓伊鴉聲裡向鄉閭二年嶺海今歸到自慶安穩見  
扮榆阿母待吾應開宴前舟送酒已達無

竹云似讀古樂府

余到藝雷數旬將歸京寓遂奉母偕行作侍與  
歌

輿行吾亦行輿止吾亦止輿中道上語不輟歷指某  
山與某水有時俯理襪結解母呼兒前兒曰唯山陽  
一路十往還省鄉每計瞬息裡二毛侍輿敢言勞山  
驛水程皆鄉里於兒熟路母生路雙眸常嚮母所視

一一實際如此知他  
轉無不甘然

過廉塾

奉母遊上國路過父執廬幽階脫布襪隙地舍板輿  
戒僕備衾枕呼婢摘果蔬孤兒與寡婦猶謂故人餘  
東軒秉杯酒盞簪想當初燭照屏閒字時有阿爺書

贈茶山翁

肥山雲霧薩海風回首游蹤總雪鴻當時每思向君  
語如今半墮恍惚中剪盡春燭餘焰在憶起阿蘇烟  
騰空

到家

窮巷蹂泥曉雨方絲絲近家情卻怕舊寓認還疑

二詩細風可也

香坪云結奏奇事

數字如名

感空書時次韻後改

徒表尤得君宿帳半

行葦雨中久思南遊

親聽語嗚嗚更疑身

持萬里附北鴻尊前

蘇軾按樓流處風作



香琴云易里行經  
慶歸家情也如許  
矣

小松云二篇體格似  
不揚可惜

機云如此結局何不  
揚之有

山妻記足音喜極反成悲兩歲始歸到塵埃面目黧  
燂湯洗吾腳薪濕火傳遲薪濕且不妨唯喜會有期

迎母

移寓就爽境將欲迎阿孃窻檮糊新紙枕衾檢舊篋  
十歲甘桂玉不敢累故鄉新歸多欠闕百需大蒼黃  
戒婦具酒食勿問有與否母曰嗟吾子差使人意強

山陽詩鈔卷之四 畢

題賴子成西遊稿時子成見贈伊丹酒併言謝

故人連寄酒幾瓶其酒勁烈如其詩詩力雄拔掣海  
鯨唾詈織巧務入時匹似余飲憎甜赤臭味全然異  
女兒忒歲圖南窮嶋岫示我錦囊充歸遺我閱其卷  
想其境恍疑拍肩相追隨最想薩山縹緲裏西望台  
寬南流鬼忽發廣武英雄嘆嘆聲驚立紫海水君不  
見鎮西源八郎單身入海直龍驤又不見飛蘭鄭大  
木一劍撐天焚儒服異域竹帛照千秋有時有勢非  
可求慨然連酌南蠻酒胸中兵戟躍不休題詩自吟  
亦自賞何啻漢書添觥籌此日茅齋風雨晦繞村秧



山陰詩錄卷四  
歌聲細細一杯排悶情誰同品第時髦助醉話獨憐  
君生太平時徒樹文旆掃時弊吾飲君酒誦君詩擊  
節不知玉壺碎

庚辰長夏

菅晉帥拜贈

天才縱逸又於韓蘇得力故五七言古體尤飛動縱  
橫往往使人鼓舞不已烏可及哉碧海柴允升  
當放筆快意之後取古人放筆快意之詩文讀之以  
所作與所讀對照頓使神氣沮喪譬猶嫖母遇西子  
自不得不羞縮俯伏自以為平生猛省處敢以為獻  
但恐醜者之伎倆貽笑於美人耳何如允升又識  
古來作家各有所長不能相兼犛牛不執鼠大之難  
小也武弁躡繒帛剛之難柔也子成乃能兼之大小  
剛柔無施不可人謂之天才乃爾余則以為其大與  
剛其天也其能兼小與柔蓋得之於學矣子成賦一



絕既成呻吟數改不輕示人其用力可知也獨怪卷中七律所與西州諸彥唱酬子成必當不苟而如少遜諸體何也豈余眼之未巨與抑子成或有所未兼也小竹筱崎弼

子成著作每成輒使余輩加丹黃余輩皆攀龍附鳳者何足與品評哉雖然方今海內誰當公然商量子成文字者弼再識

余與子成相識三十年暫合久離不知其幾獨記嘗邂逅崎陽游龍生泛舟要吾兩人賞月歌咲徹空鳧鷗驚散崎人傳爲佳話爾後吾東役不相見十三年矣今茲庚寅春從駕西宿草津驛決策夜潛買舟渡湖二更達大津鷄鳴蓐食直入京訪子成于三株樹里剝啄間子成欠伸起驚喜延余觴之其小閣閣枕鴨河東山蜿蜒晴旭輝映煙鬢未梳旣而盤肴錯陳酒皆丹釀而家人更出款待不啻通家之好酒間談及往游出此稿索予評閱子成文名轟天下操觚之士無敢仰視者而予以一俗吏酣譁縱談門生輩莫



不詫異迨還鄉復以官事赴崎過往所同遊地山海  
如故而游龍生墓木既拱欲再與子成爲第二游以  
弔生之魂而不可得也所囑稿弄篋半歲一日撥冗  
閱之奇想奇語炫爛奪目其在崎諸作余所欲言而  
未言得者子成容易言之快如搔痒遂浮白朗誦徹  
明卒業嗚乎吾足跡東西遍及或過子成而官事拘  
礙吟咏絕少假使有之焉能爲有亾不若且讓子成  
擅其獨步也屬駛步瀕行不遑縷評姑錄此還之憶  
今春與子成飲時子成停觴語我曰吾擅此佳山水  
飲此佳酒愧獨享清福不啻分之於子子其有意乎

余爽然有攜手之志它年或得遂焉尊酒細論將有  
日也穀堂劉燾題



早稲田大学図書館

011888009665